

北京圖書館 編

北京圖書館藏珍本
年譜叢刊



第 199 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 199 冊



第一九九冊目錄

天行草堂主人自訂年譜	一
葉遐菴先生年譜	一五
蔡公松坡年譜	四一
淡志室主人紀年前編	五三
傅鈍安先生年譜	四七
汪精衛先生年譜	六六
汪精衛先生著述年表	八五
左龢年表	七一
霜厓先生年譜	七二

天行草堂主人自訂年譜

清光緒六年庚辰一歲

九月十五日辰時余生於杭之衆安橋南境外王父陸公宣福家 先妣陸太恭人因疾招乳媪陳飼余五齡始去

光緒七年辛巳二歲

遷居鹽橋宅有巨桂二東爲園有池產主曹氏聞爲籀民先生後

光緒八年壬午三歲

居鹽橋

光緒九年癸未四歲

居鹽橋

光緒十年甲申五歲

居鹽橋 先妣授讀時 先考商於義烏縣之佛堂冬臘必歸

光緒十一年乙酉六歲

遷居木場巷 先妣授讀始習大楷

光緒十一年丙戌七歲

居木場巷

光緒十三年丁亥八歲

遷居保佑坊多福街葉季衍姻丈宅從趙敏齋師讀

光緒十四年戊子九歲

居多福街至甘澤坊巷從沈味青師讀時師主余蟾粟外舅家月必試同學余每試輒冠

光緒十五年己丑十歲

居多福街季衍丈有子三人暇輒約游吳山遇春秋佳日尤數數往如是者蓋三年矣

光緒十六年庚寅十一歲

先考以知縣到江蘇 先妣挈余隨至常州居府署前從梅□□師讀

光緒十七年辛卯十二歲

在常州

光緒十八年壬辰十三歲

回杭州 先考在常州 先妣挈余復居衆安橋外王父家外王父早卽世步雲舅方筮仕江右其屋則姨母方氏賃之 先妣商於方就屋南隙地築平舍四後舅氏返不能無微言是年覲依 先妣讀

光緒十九年癸巳十四歲

居衆安橋往永福寺巷吳紫丞丈家從陳勛夫師讀師善視余教余習文辭一日 先考過吳氏門師不在余與同學畫紙以爲戲 先考入提書物出余歸跽 先考前 先考怒甚貽書陳師師覆書亦千言自此余遂離陳師家居其年冬吳丈借故謝陳師師名善江甯歲貢有詩譽近尙在滬 是年 先考欲令余舍讀就醫或習畫像 先妣尼之而止

光緒二十年甲午十五歲

居衆安橋往吳家從張清甫師讀師待余嚴甚先是族兄澍館雙陳衙高氏一日偶以事過舍 先妣告以余將廢讀事澍聞之太息謂皮市有宗文義塾專收寒儒子弟延師課

其業余當以此事請居停向塾之主者言無患不入也時 先考在常州 先妣聆謝言良感是年冬義塾傳補入仁齋從韓淇蒼師讀

光緒二十一年乙未十六歲

讀於仁齋春三月 先考在家大病延陶姓醫治之旋愈明年改官於松江 是年始受本城三書院月課

光緒二十二年丙申十七歲

讀於智齋徐師均夫甚善視余勸余應童子試余不敢時季衍文亦在塾所以贊許余者尤至

光緒二十三年丁酉十八歲

讀於智齋

先緒二十四年戊戌十九歲

讀於新義齋夏五月入泮學使爲陳公桂棻余府縣試首場皆被抑府試次場策時務知府林公啓自督試余由一百數十名超置第七是年秋出義塾家居 先考爲余訂婚於

同里余氏余蟾粟外舅之次女也 是年始受詁經精舍月課

光緒二十五年己亥二十歲

開門授徒三月 先考棄養享壽五十有九歲冬十月葬 先考於龍井虞山

光緒二十六年庚子二十一歲

授徒於家兼主杭州某報館筆政

光緒二十七年辛丑二十二

授徒如故冬十月遷居興忠巷十一月娶余氏年十八時蟾粟外舅已逝世庚酉內兄遷
艮山門頭營沈宅

光緒二十八年壬寅二十三歲

居興忠巷有學爲經義論策者數人秋應鄉試不售

光緒二十九年癸卯二十四歲

居興忠巷春三月婦余病至五月望逝世秋應鄉試中式第十九名舉人房師爲杜公光
佑正主考唐公景崇副主考齊公忠甲余爲唐師取中冬十月 先妣爲余續姻於同里

邵氏故邵伯棠太守女也十二月完婚邵名蕙年二十五讀書明理貞靜有才余得內助自此始

光緒三十年甲申二十五歲

春二月赴河南禮部試薦卷堂備房師爲姚公舒密衡定去取者則總裁張公百熙也四月回里端治日本文秋八月就杭州安定學堂史學教習余廣搜史籍由此始 自壬寅至是書院月課輒冠同列數文院長錢星甫師尤獎許余余對師策幾於無屈不首列焉

光緒三十一年乙巳二十六歲

教習安定學堂兼浙江高等學堂 夏四月長男毓寄生 冬十二月 先妣棄養享壽六十有一歲

光緒三十二年丙午二十七歲

遷居大滸弄教習如故秋七月辭教習赴日本游歷歸爲上海某書局著中國大歷史約四十萬言

光緒三十三年丁未二十八歲

爲上海某書局著各種歷史教科書 冬十月葬 先妣於龍井虞家山合於 先考之
塋亡室余氏祔焉 十二月起新屋於戴家河頭地本祖遺屋燬於髮亂 先考略營其
半賃之余別爲廳事書堂略栽花樹題曰菜市舊廬 是年十月長女毓容生
光緒三十四年戊申二十九歲

遷戴家河頭新屋教習兩級師範學堂兼高等學堂

宣統元年己酉三十歲

教習如故 始註部冊得揀選知縣

宣統二年庚戌三十一歲

春赴北京學部試改就直隸州州同職旋由學校勞績保薦知州夏五月回里仍充兩級
師範學堂史學教習秋八月兼爲上海某書館著地理書是年二月次女毓孺生

宣統三年辛亥三十二歲

教習如故 秋九余浙江獨立避拱宸橋暫居 十一月三女毓和生

民國元年壬子三十三歲

就浙江第一師範學校史學教習 自發願著中華通史約一百萬言閱三春而就以印資過巨未出版

民國二年癸丑三十四歲

秋辭教習專著通史 是年六月由第一師範學校呈請當局出洋游學呈批推許俱至
民國三年甲寅三十五歲

中華通史成 秋七月應北京地學會會長張公相文之招赴京主地學雜誌筆政會在
西城舊刑部街富藏書張公待余極厚

民國四年乙卯三十六歲

主地學會筆政兼北京高等師範學校歷史地理系講師秋八月婦邵挈兒女汜海來京
寓西城報子街 高師校長陳君寶泉頗優禮余由講師改教授充國文系主任余以校
事日繁辭地學會職薦及門蘇穎董其事 冬十一余次女毓孺殤葬京城西便門外三
塔寺

民國五年丙辰三十七歲

在北高師充主任於琉璃廠廣求典籍成北京廠人詩 是年洪憲改元春夏間京居岌岌 五月室人孿生不育勢危甚延東城婦嬰醫院美國女醫士治之得無恙

民國六年丁巳三十八歲

主任如故遷居石駙馬大街東口一號 夏五月張勳復辟段兵圍京城京津路中梗張敗戰事定余於寓中大樁下檢獲一彈留以爲念 是年始搜求漢魏六朝碑石拓本日必習英國文

民國七年戊午三十九歲

主任如故聞關外兵亟勸室人率兒女旋杭二月兵不來眷口復入京 秋七月次兒毓宣生 八月長女毓容殤葬京城廣渠門內浙江廣誼園 是年始搜求古圓錢

民國八年己未四十歲

主任如故 秋由北高師呈教育部派赴日本入東京帝國大學文科研究 是年六月偕眷口旋杭八月隻身入京取得部文轉浙東渡以二年爲期主任事請陳君仲驥代理是年始搜求舊人書畫

民國九年庚申四十一歲

在日本東京寒暑兩假均返國 冬十月買地井宇樓當故駐防營拱宸門之口明年春起建天行草堂 是年刻印術始進

民國十年辛酉四十二歲

在日本東京一夏六月還北京仍充高等師範學校主任教授兼北京大學史學系講師
天行草堂於是年端午節畢工眷口由戴家河頭遷入之有天行草堂記天行草堂書事詩

民國十一年壬戌四十三歲

在北京 秋北京高等師範學校升改北京師範大學充國文系主任如故 九月臂疾作適身寄逆旅甚感痛苦

民國十二年冬癸亥四十四歲

在北京 任兩大學事如故二十年來搜求史籍耗損不貲是年夏略事檢點知乙部之書勉云大備自擬編一斷代之史而以古今事變樞紐實綰於秦遂有編著秦事通徵之

志始拓對螺山館印存

民國十三年甲子四十五歲

在北京旋請假還杭州 秋七月江浙戰起余偕室人兒女避上海大東旅社暫居 是年夏國立武昌大學國立西北大學先後致聘往充史學系主任教授不就 編天行草堂百年來先人詩彙成 畫術始進步

民國十四年乙丑四十六歲

家居撰秦事通徵 廣東之廣州大學開封之中州大學天津之南開大學南京之東南大學湖北之武昌大學先後致聘往充主任教授未就 編天行草堂詩 搜求名人楹對至是年秋止計達二百餘種成百聯樓紀事詩六十首

民國十五年丙寅四十七歲

春正月就南京國立東南大學史學系教授期以半年 夏四月燕京大學來聘往充史學教授未就 民國六年在北京長夏事簡編城西日筭未卒業是年秋始將城西日筭寫定又寫定民國八年至十年之海東日筭及本年所作之白門日筭將編入天行草堂

叢書焉 始草井里日筭及還鄉日筭 冬十一月北京大學續聘往充史學系教授許而未往 是年秋爲長男毓寄娶同里湖北知縣吳公子厚之孫女爲室 冬十二月聯軍與黨軍戰於之江上游避居上海虹口壽仁里未幾仍回里度歲

民國十六年丁卯四十八歲

春正月室人避上海虹口未幾歸 患溺血二月十六日下如注有成餅狀者延都醫敬齋診治之未愈至五月朔改就診於錢醫正卿服藥達六十七劑然終不能絕也八月以後乃專事靜養 金陵大學來聘往充國文系主任教授卻之

民國十七年戊辰四十九歲

春正月毓和病閉經延醫診治未愈 夏五月金陵大學續聘往充國文系主任教授仍卻之 六月十三日兒子毓宣患白喉殤年十一歲有哭悼宣兒七言詩廿二絕同月十九日女毓和殤年十八 秋八月南京中央大學來聘往充史學系教授約以遲一月行便血漸痊改就西醫包金琳診治日服法蘭莫曼牛肉汁尙有效 九月赴南京就中央大學職十月病發乃歸

民國十八年己巳五十歲

便血痊後患氣墜甚烈春二月改就中醫錢君正卿診治迄未全愈 夏四月邵君斐子來約就浙江大學教授諾之 六月北平清華大學燕京大學兩校合聘往充史學系教授未就 秋八月以後就國立浙江大學教授職 冬十二月天大寒余舊疾加劇至除夕更烈

民國十九年庚午五十一歲

春正月疾甚錢醫正卿投以附子無効改延推拿黃女士治之氣分稍舒漸轉危爲安然痢不能止也 二月後因專心調養辭浙江大學教授職不獲但發講稿以暑假爲度夏五月潁綠小園內新築一軒曰可舫爲余日間坐臥處

天行草堂自訂年終